

Foizlar, royaltlar va dividendlar (boshqa daromadlar)

20. Foizlar, royaltlar va boshqa daromadlar keltiruvchi aktivlarni boshqa xo'jalik yurituvchi sub'yektlarga foydalanishga berish natijasida olingan daromadlar quyidagi hollarda mazkur BHMSning [21-bandida](#) ko'rsatilgan asosda tan olinishi lozim:

20.1. Bitim bilan bog'liq daromadlarning xo'jalik yurituvchi sub'yektga tushishi ehtimoli mavjud;

20.2. Daromad summasini yuqori darajadagi ishonchlilik bilan baholash mumkin bo'lganda.

21. Daromad quyidagi asosda tan olinadi:

21.1. Aktivdan olinadigan haqiqiy daromadni hisobga oladigan vaqtinchalik nisbat asosida foiz tan olinadi;

21.2. Kelishuv shartlariga muvofiq hisoblash asosida royalti tan olinadi;

21.3. Aksiyadorlarning to'lovni olish huquqi belgilanganda dividendlar tan olinadi.

22. Daromad faqat operatsiya bilan bog'liq bo'lgan iqtisodiy naf xo'jalik yurituvchi sub'yekt tomonidan olinadigan taqdirdagina tan olinadi. Biroq, daromadga kiritilgan summani undirish xususida noaniqlik vujudga kelgan taqdirda qaytarilmagan summa yoki olish mumkin bo'lmagan summa dastlab tan olingan daromad miqdorining o'zgartirilishi sifatida emas, balki xarajat sifatida tan olinadi.